



CHURCH OF THE NAZARENE

DUEL KUOTH NADHERENI

CIÖÖK NÄTHÄ

Riët in nhiam - DIÖÖK IN DIIT

Kon, nath ne kuoth kel kãrãde, kuoth in tek kã thiel pek, kuoth in laa cãäk kã ruëc xãaa, kuoth in lät nãak diaal. kuoth in relgoyde ro ni cian. Kuoth in rel buay de ro kene nhök de. Kuoth in kel kã diöök in diit. Kuoth in ci ro nyuoth kon e la Guan kã Gat, kã Yiee in goaa in rel ro.

Tuk cãkã xãa -1, Lij-bay- 19:2; Nyõak latã nuotni -6:4-6 Ica-yaa-5:16, 6:1-7 Më-thiw-3:16-17, 28:19-20; Joon -14:6-27
1 Ji-korinith -8:6 2 Ji-korinith-13:14 Ji- gã-lëë-cia-4:4-6 Ji- E-pe-thãth 2:13-18 1 Joon- 1:5;4:8

Riët in rãwde - YIECU KRITHÖ

Kon, nathne Yiecu krithö, ram in rãwde kã diöök in diit, min te kel kene guan ni cian, ca je nun ke yiee kuoth in goaa in relro, kã cua je dap e nyam mi thiel luum mi coali Meri. Yiecu cie ran mi bi ben jak ni ro kã kuoth, kã cie kuoth mi ci ro ben jak kã joc e la ran, E xöö Yiecu e kuoth kã e ran. Jöce rey dãpãde kene rey tekã de en xöö Yiecu i e kuoth kã e ran.

Më-thiw-1:20-25, 16:15-16 Luk-1:26-35 Joon -1:1-18 Laat jaakni-2:22-36 Ji- röm-8:3, 32-34 Ji- gã-lëë-cia-4:4-5
Ji-pi-li-pi- 2:5-11 Ji- ko-lo-thi-1:12-22 1 Ti-mo-thi-6:14-16 Ji- xë-bi-ru-1:1-5, 7:22-28, 9:24-28 1 joon- 1:1-3, 4:2-3, 15.

Riët in diök dien - YIEE IN GOAA IN RELRO

Kon, nathne Yiee kuoth in goaa in relro, min la kuoth in diöök. min lãtni cian rey luak kuoth Yiecu krithö. Ce wicmuon nyuoth duer kã ce naath kam tek mi pay tuök. Ney diaal tin ca rã rit dueri kien kã nath ke Yiecu. Ken ciöök riëetni nãthã dan diaal e tini bi ke dhil joc rey ruac kuoth.

Joon. 7:39; 14:15-18, 26; 16:7-15; Laat jaakni. 2:33; 15:8-9; Ji- röm. 8:1-27; Ji- gã-lëë-cia. 3:1-14; 4:6;
Ji- E-pe-thãth. 3:14-21; 1 Ji-the-tha-lo-nika. 4:7-8; 2 Ji-the-tha-lo-nika. 2:13; 1 Pi-tor. 1:2; 1 Joon. 3:24; 4:13

Riët in Ŋuandien - RUAC KUOTH IN GOAA IN RĒLRŌ.

Kɔn, ɲathne ruac kuoth in goaa in rĕlrŏ. Kε ʒŏŏ ca je ɲŏk yiee ε kuoth. ken buok ni ti jien bākel wide bākel kǎ ruac kuoth e wal kene ruac kuoth in thiak ken dial nyuth ken kɔn min gor kɔnε, kε duɔp kǎnǎ.

Luk-24:44-47 Jɔɔn- 10:35 1 Ji-korinith -15:3-4 2 Ti-mo-thi-3:15-17 1 Pi-tor. 1:10-12 2 Pi-tor.1:20-21

Riët in Dhiëcdien- DUËR

Kɔn, ɲath ne je en ʒŏŏ ci duer ben rey ʒŏaa kε kui neni dap rew ε la A-dem kene Ib. kε ʒŏŏ ci kε ruac kuoth lok. kǎ ci duerien lia noonj wimuɔn kε liw.

Kɔn bǎ ɲath kɔnε en ʒŏŏ duer tekǎ rew- duer riem kene duer in lät rane ε jen. Kɔn ɲath ne je en ʒŏŏ kε kui duerǎ diëthni kɔn, ca ney dial ben dap rey duirǎ. kǎ ci duer naath ben dak kε cianj cuɲni me tēē thin kε guath e cak kuothe Adem kene Ib. kǎ cu kɔn cu liw rey yieekǎ, kǎ cu kɔn ɲot ni kε jaal rey dueri.

Kɔn ɲathne je en ʒŏŏ duer, cienje rey ramj guan ɲathǎ amāni mi ca duer ben lak raar kε yiee kuoth in goaa in rĕlrŏ. Kǎ duer riem te kε dāk kene duëer tin lät naath kε. Duër riem bǎ ε jen in lät rey locni kɔn, kǎ ejen min thot kɔn kǎ ʒŏŏ bane cienj dueri lat. Naath bǎ ca kε bi kueth lith kε duer riem kǎroa , eni mi ci kε duɔp kuoth kene cuɲke bany piny. Kǎ duer ran ε jen in nyoth tol ɲutdǎ kuoth, ε cǎnje ram mi te kε cianj mi goa kǎ roɲ kε liëɲ rey lätni kuoth, jen bǎ dere ni duer. Duëer bǎ ci kε pǎar, cāt kε duer guëcǎ kene thol lat , amāni nyuään kie mi lät rane kε pǎrikǎ. ken titi kε ken tin jake kɔn kǎ pen alaa naath. kǎ kε kuic ε mo, cǎr diaal kene lät diaal ti guac kε ciaanj yiëekǎ kuoth kε ken tin noonj kε duëer. ken bǎ, kε ken duëer tin noɲ kε eyiëy ti jiäk. Duer ran nyothe tol ɲuotni nhokǎ kuoth kene thiel ɲathǎ ran kε yiecu krithŏ.

Duer riem -Tuk cǎkǎ ʒŏa- 3:6:5 I-yob- 15:14 Dit- 51:5 Yir-me-yaa- 17:9-10 Mak- 7:21-23 Ji- rŏm-1:18-25, 5:12-14, 7:1-8;9 1 Ji-korinith -3:1-4 Ji- gǎ-lëë-cia-5:16-25 1 Jɔɔn-1:7-8

Duer ran- Më-thiw-22:36-40 1 Jɔɔn- 3:4 Jɔɔn- 8:34-36, 16:8-9 Ji- rŏm-3:23, 6:15-23, 8:18-24, 14:23; 1 Jɔɔn- 1:9, 2:4, 3:7-10

Riët in Bäkelien - LUËL

Kɔn, ɲathne je en ʒŏŏ ci kuāran ni yiecu krithŏ cuuc, jen cε rŏ thŏp, kǎ ci riemde lony wic jiath in gεer kε cut dueri kɔn. E jen min col kɔnε ni yiecu krithŏ i ε luël dueri kǎ ejen duɔp kǎnǎ dan.

Yiecu krithŏ liwe kε kui neni diaal . Cε/ kan ɲun kε kui gan ti tietni kene kui neni tin thiel luanj kε rŏ, duɲ de ʒŏŏ ney dial bi kε rŏ dhil rit dueri kien, kǎ ken bi kε ɲath kε ʒŏŏ ba kε kǎn rey kuar ni Yiecu Krithŏ.

Ica-yaa-53:5-6, 11 Mak- 10:45 Luk-24:46-48 Joon- 1:29, 3:14-17 Laat jaakni-4:10-12 Ji- röm-3:21-26, 4:17-25, 5:6-21 1 Ji-koriniith -6:20 2 Ji-koriniith -5:14-21 Ji- gä-lëë-cia-1:3-4, 3:13-14 Ji- ko-lo-thi-1:19-23 1 Ti-mo-thi-2:3-6 Tay-thäth-2:11-14 Ji- xε-bi-ru-2:9, 9:11-14, 13:12 1 Pi-tor- 1:18-21, 2:19-25 1 Joon- 2:1-2

Riët in Bäröwdien- PUOTH BAN KUOTH

Kon, nath ne je en höö ca naath diaal cak ke cäät kuoth. Kä min lot riet emε je ε xöö ran ca je kam luan ke mek de ke mi jiek kene mi goaa. En neme lotde ni xöö ε yuop cienä ke kui duirä Adem kene Ib. Ca ney diaal dap ke cian dueri, kä ci ken ro de met riët kuoth kä ro, ebi ke lat ti gow lat, ti de ke nan rey känä. Kon bä notde nath ne je en xöö puoth kuoth be ke yiecu krithö, kä ca je kam ney diaal ε loor. En puoth ban kuoth emε roñe kä ney diaal tin ca duop känä mek, ke riëtdien ke ro dueri ke kui cienä curni ke naathdien ke yiecu krithö min ci ke luel kä ci ke lak rey dueri kien ke xöö bi ke cien ke cian in teth loc kuoth rey nhokä. Kon nathne je bä en xöö dere tuok i ε cäñe ni ney tin ca kan jek kä ca ley ke riet kuoth, de ke ro riët rey lat jiaakni /dueri ε bi ke nath dien ke yiecu krithö lok. kä eni mi ca ro dien rit rey dueri kien, ke xöö dëe ke thiel nath ke mi bi ben, kene xöö dë ke tekdiën bath amäni cän kel.

Cët kuoth kene luan ran ke mek kä mi jiek kene mi goaa- Tuk cäkä xaa- 1:26-27, 2:16-17 Nyöak latä ruotni -28:1-2, 30:19 Jo-cua-24:15 Dit-8:3-5 Ica-yaa-1:8-10 Yir-me-yaa- 31:29-30 Yedhi-kiel-18:1-4 Mjka- 6:8 Ji- röm-1:19-20, 2:1-16, 14:7-12 Ji- gä-lëë-cia-6:7-8

Thiel luäñä mi diëth ke ran- I-yob- 14:4, 15:14 Dit-14:1-4, 51:5 Joon- 3:6 Ji- röm-3:10-12, 5:12-14, 20, 7:14-25

Puoth ban kuoth kene lat rey nathä- Yedhi-kiel-18:25-26 Joon- 1:12-13, 3:6 Laat jaakni-5:31 Ji- röm-5:6-8, 18, 6:15-16, 23, 10:6-8, 11:22 1 Ji-koriniith -2:9-14, 10:1-12 2 Ji-koriniith -5:18-19, Ji- gä-lëë-cia-5:6 Ji- E-pe-thäth-2:8-10, Ji-pi-li-pi- 2:12-13 Ji- ko-lo-thi-1:21-23 2 Ti-mo-thi-4:10a, Tay-thäth-2:11-14 Ji- xε-bi-ru-2:1-3, 3:12-15, 6:4-6, 10:26-31 Je-meth- 2:18-22 2 Pi-tor- 1:10-11, 2:20-22

Riët in Bädäkdien - RIËËT NAATH KE RO DUËËRI

Kon, nath ne je en xöö riet naath ke ro dueri noñe kon kan. Riet naath ke ro dueri ecian luthä ke ger cäärä ran ke kui duirä, kä jen jake ran kä be duerke njic, kene nhök de ke xöö dere ro rit rey dueri ke. Luot kä neme ε xöö kon diaal rey lätni kon kene cär kon tanε ke duëer. kä yiee kuoth in goaa in relro, jen luäke ney diaal tin gör ke riet ke ro rey dueri kien, ke xöö de ke koaac loaac kuoth jëk, kä de ke kan jëk rey cienä nathä.

2 kuëni – 7:14 Dit-32:5-6, 51:1-17 Ica-yaa-55:6-7 Yir-me-yaa- 3:12-14 Yedhi-kiel-18:30-32, 33:14-16 Mak- 1:14-15 Luk -3:1-14, 13:1-5, 18:9-14 Laat jaakni-2:38, 3:19, 5:31, 17:30-31, 26:16-18 Ji- röm-2:4 2 Ji-koriniith -7:8-11 1 Ji-the-tha-lo-nika -1:9, 1 Pi-tor- 3:9

Riet in Bänuandien- PÄLIKÄ

Kon, nath ne je en xöö ney diaal tin nath ke yiecu krithö kä ca je nhök ε la kändien kä kuärien ca ke pälikä. Min lot riet emε je, lotde ni xöö ci kuoth ney diaal luel ε lor kä ce ke lony rey duerikien, kä cuε ke cu jakä ji curni.

NYOAK DÄPÄ REY KRITHÖ - Kɔn, n̄ath ne je en x̄öö ci kuoth ney diaal tin ci rɔ rit rey duerikien nyok ke dieth rey känä kuāran ni yiecu krithö. Kä ce ke kam tek mi pay tuok, rey cienjä luthä tekä, kä ejen min coal ke i nyoak diethä rey kuar ni yiecu krithö. Jen tek mi pay tuok eme e n̄ath kel, ke nhök kel, rey luthä kuoth.

CIAAJ MI DOAP - Kɔn, n̄ath ne je en x̄öö ney diaal tin ci kuoth ke pälikä kä ce nyok ke dieth rey n̄athä eken ney tin ca nyok ke col rey goaal kuoth pany. Ken diok titi pälikä, nyoak diethä rey kuar ni yiecu, amāni ciaan mi doap la kene tuok ke guath kel, ke kor ritdä ran ke rɔ rey dueri ke, Ke n̄ath de rey yiecu krithö. Kä yiee kuoth in goaa in relrɔ, nyuthe je kɔn bä en x̄öö läät kuoth titi rey naath.

Luk -18:14 Joon-1:12-13, 3:3-8, 5:24 Laat jaakni-13:39 Ji- röm-1:17, 3:21-26, 28, 4:5-9, 17-25, 5:1, 16-19, 6:4, 7:6, 8:1, 15-17 1 Ji-korinith -1:30, 6:11 2 Ji-korinith -5:17-21 Ji- gä-lëe-cia-2:16-21, 3:1-14, 26, 4:4-7 Ji- E-pe-thäth 1:6-7; 2:1, 4-5 Ji-pi-li-pi- 3:3-9 Ji- ko-lo-thi-2:13 Tay-thäth-3:4-7 1 Pi-tor- 1:23; 1 Joon- 1:9, 3:1-2, 9, 4:7, 5:1, 9-13,18

Riet in wälien- CIAAJ N̄ATHÄ MI REL Rɔ KENE LËY NAATH KE Rɔ KUOTH

Kɔn, n̄ath ne je en x̄öö cian lëyā e lat kuoth mi lätde ke Yiee Kuoth in goaa in relrɔ de, min ger tēk ji n̄athä ke x̄öö bi ke cēt ke Kuār ni yiecu krithö. En puoth ban kuoth eme be ke lat yieekä kuoth ingoa in relgoyde rɔ. Jen laa toke rɔ ke dieth in rewde rey yiecu krithö, kä lat ke je e päär ke duop pälikä. Meme ejen min coal ke i ley naath ke rɔ Kuoth in nhiam dien. Kä jen yiee kuoth in goa in relrɔ lätde ni cian ke x̄öö bi ji n̄athä rɔ rel ke n̄ath a thiel diw. Kä jen bä be lät rey dan a māni rey puonyä kuoth dan guath in ba kɔn mat kel ke ruath dëäl kuoth. Kɔn, n̄ath ne je en x̄öö ke kor nyoak dāpä dan rey krithö yiecu. Bi kuoth not bä ke mi lätde rey ji n̄athä ke höö bi ke loar kä duer riem. Kä ken ba ke nöŋ rey marä kuoth kene rey luthä in thuok kä bi tēkdien cu goaa rey Kuoth, kä ejen min coal ke i lëey naath ke rɔ kuoth. En lëy naath ke rɔ kuoth bee ke lak yieekä kuoth in goaa in rel rɔ, min coal ke bä i tek ran rey yiekä kuoth in goaa in relrɔ. Meme matde cien dan rew titi. A, lak loac ke kui dueri B, kene taa daan kel ke yiee kuoth in goaa in rel rɔ, min moc ji n̄athä ke buom ke hö bi ke kuoth lät di kä, kä bi ke cien ke cian tekä kuoth. Kä ley naath be ke lia Yiecu krithö, kä jen bä be ke kor puthä rey n̄athä. En lëy be ke thoop naath ke rɔ kuoth ela muc ti tek rey yiee kuoth in goa in rel rɔ. E jen neen rey yiekä mi lak loc kɔn ni cian rey n̄athä. En ley naath ke rɔ kuoth eme nac ke je ke dup ti nuan ti gööl cet ke A, Ran n̄athä mi thiel diw B, Nhok mi thiel diw C, Lak ke yiee kuoth in goaa in rel rɔ D, Thian ran ke yiee kuoth in goaa E, Thian ran ke puoth kuoth amāni rēl ji n̄athä ke rɔ. Kɔn, n̄ath ne je en x̄öö joc dääk kä loc mi buoy kene cien ti gow. En buay loaac tuoke ke kor pieth rey yieekä. Kɔn, n̄ath ne je bä en x̄öö ram ci rɔ ley kuoth te ke cian kuoth ke x̄öö pithe rey puthä cet ke ran koar yiecu krithö. Kä ney diaal tin ci / pith rey yiekä kuoth ci ken neen dien rey puthä banä kuoth bi jēk, kä bi tek dien bëec kä bi kene bath. Ney diaal tin lät rey puthä banä kuoth ke ji nyoakä dolä kuoth, kä ken ke ji koar yiecu krithö. kä bi tek dien goa rey

luak kuoth. Kä bi ji nãthã pith rey puthã kene rey nhokã kuoth kam ni kien amãni rey ciennj kien diaal.

Yir-me-yaa- 31:31-34 Yedhi-kiel-36:25-27 Më-la-ki- 3:2-3 Më-thiw-3:11-12 Luk-3:16-17 Joon -7:37-39, 14:15-23, 17:6-20 Laat jaakni-1:5, 2:1-4, 15:8-9 Ji- röm-6:11-13, 19 8:1-4, 8-14, 12:1-2 2 Ji-korinith -6:14, 7:1 Ji- gã-lëë-cia- 2:20, 5:16-25 Ji- E-pe-thãth 3:14-21, 5:17-18, 25-27 Ji-pi-li-pi- 3:10-15 Ji- ko-lo-thi-3:1-17 1 Ji-the-tha-lo-nika - 5:23-24 Ji- xe-bi-ru-4:9-11, 10:10-17, 12:1-2, 13:12 1 Joon- 1:7,9

Goy ji nãthã, nhök in thiel diw- Nyook latã nuotni -30:6 Më-thiw-5:43-48, 22:37-40 Ji- röm-12:9-21, 13:8-10 1Ji- korinith -13, Ji-pi-li-pi- 3:10-15 Ji- xe-bi-ru-6:1 1 Joon- 4:17-18

Buay loaac- Më-thiw-5:8 Laat jaakni-15:8-9 1 Pi-tor- 1:22 1 Joon- 3:3

Laak yiekã kuoth- Yir-me-yaa- 31:31-34 Yedhi-kiel-36:25-27 Më-la-ki- 3:2-3 Më-thiw-3:11-12 Luk-3:16-17 Laat jaakni-1:5, 2:1-4, 15:8-9

Thian puthã kuoth- Ji- röm-15:29

Rel ji- nãthã- Më-thiw-5:1, 7:29 Joon- 15:1-11 Ji- röm-12:1, 15:3 2 Ji-korinith -7:1 Ji- E-pe-thãth 4:17, 5:20 Ji-pi- li-pi- 1:9-11, 3:12-15 Ji- ko-lo-thi-2:20, 3:17 1 Ji-the-tha-lo-nika -3:13, 4:7-8, 5:23 2 Ti-mo-thi-2:19-22 Ji- xe-bi-ru- 10:19-25, 12:14, 13:20-21 1 Pi-tor- 1:15-16 2 Pi-tor- 1:1-11, 3:18 Jud- 20-21

Riët in wãl kelien- DUËL KUOTH

Kon, nãth kon duel kuoth en xöö e buon naath in lare en xöö yiecu krithö i e kuãrien kã kãndien. Ke ken ney diaal tin ci kuoth nhial ke kam guk mi pay tuok rey krithö, e jen in coal ke i puony krithö kel, ke yiee kuoth in goaa in relro, ke riet kuoth, col kuoth duel kuoth ke dup ti nyin nuaan, ke xöö bi Kuoth tekde nyoth ke nyook titi.

A, Mat palã kuoth kel

B, Nyuak rey nãthã kuoth

C, Lat rietni kuoth

D, Kãni dan ke rin kuar ni yiecu kene math dan ke riem yiecu krithö, latdan ke riet kuoth rey krithö yiecu

E, Luthdan ke yiecu krithö kene cian tãkdan rey kuãrã kuoth

G, Cuom dan ke ro kël-këëli kam ni kon. Kä luot duel kuoth e xöö bane lãt krithö nyuak keel cet ke min ce ro luël kã ce wicmuon luoc maarã ke kuoth. Kä bi duël kuoth latde lat ke xöö be naath jakã ji koar krithö ke nan ruac kuoth raar kene njic ruac ni ke kui kuãrã kuoth amãni lat kocã loac min nyuth kon cuonj kã jak naath kã bi ka neen ke kui kuãrã kuoth. Duël kuoth cuje kã rew,

A, cuje ke ney tin pal reyde B, kã cuje bã ke ji nãthã diaal wicmuon ke liw, kã jen bã nyothe cian tãkã kene taa palã ke dup diaal ti gööl rey ciennj naath. Kä duël kuoth njice je en xöö col kuoth thanj naath rey lat mi ronj ke ke, kã lãthe naath guathni tin

ronj ke thin. Duel kuoth te piny rucä kuoth, cet ke mi lipe ke teth loaac ke ben kuar ni yiecu krithö.

Yöth-19:3 Yir-me-yaa- 31:33 Më-thiw-8:11, 10:7, 16:13-19, 24, 18:15-20, 28:19-20 Joon- 17:14-26, 20:21-23 Laat jaakni-1:7-8, 2:32-47, 6:1-2, 13:1, 14:23 Ji-röm-2:28-29, 4:16 10:9-15, 11:13-32, 12:1-8, 15:1-3 1 Ji-korinith -3:5-9, 7:17-33, 12:3, 12-31, 14:26-40 2 Ji-korinith -5:11,6:1 Ji- gä-lëë-cia-5:6,13-14;6:1-5,15; Ji- E-pe-thäth 4:1-17, 5:25-27 Ji-pi-li-pi- 2:1-16 1 Ji-the-tha-lo-ni ka- 4:1-12 1 Ti-mo-thi-4:13 Ji- ye-bi-ru-10:19-25 1 Pi-tor- 1:1-2, 13, 2:4-12, 21, 4:1-2, 10-11 1 Joon- 4:17 Jud- 24 Nyuuth- 5:9-10

Riët in wäl rewdien- LAAK KE KUI RIETDÄ NAATH KE RÖ DUËRI

Kon, nath ne je en xöö lak e riët naath ke rö duëri mi ca nyoth ke yiecu krithö. Jen nyothe ni xöö ci ran luel in ca nun ke krithö nhok, kä ce je lar e joc en xöö ce yiecu krithö nhok e la kände kä kuäre. Kä nyothe min gor rane ke guride ke yiecu krithö rey luthä kene ciar curni. Laak e riet naath ke rö duëri, kä e nyuth gukä mi pay tuok ke pä duëri rey krithö yiecu. Gaat ti tiet ni ba ke lak ke thiec mi be kä diëth kien, ke xöö ba rö yac en xöö bi ken gatkien niëc ke riet kuoth kä bi ken ke pith rey nathä kuoth. Ken ney dial tin ba lak, bi ran yik te ke mëk ke lak kel kä ken dup lak dan diok titi.

A, Kiëth ran ke piw

B, Woc pini wi ran amäni

C, Bony ran rey pini

Më-thiw-3:1-7, 28:16-20 Laat jaakni-2:37-41, 8:35-39, 10:44-48, 16:29-34, 19:1-6 Ji- röm-6:3-4 Ji-gä-lëë-cia-3:26-28 Ji- ko-lo-thi-2:12 1 Pi-tor- 3:18-22

Riët in wäl diokdien –Miëth Puany Kuar ni Yiecu Krithö

Kon, nath ne je en xöö miëth puany kuar ce ben joc rey ruac kuoth in thiak ke xöö ca je nyoth e kuaran ni Yiecu Krithö. Kä e nyuth ke kui timä liëthde, ke kui neni diaal tin nath ke Yiecu. Kä ney dial tin nath ke yiecu krithö, bi ke tek mi doraar jek. E la tek in ca yac rey yieekä kuoth in goaa in rel rö. Jen bä e dun neni diaal tin ca rö rialikä, kä ci je lij en xöö min ca nyoth i e mat ruac ke krithö/ min la käni dan ke miëth puany kuar ni Yiecu. Kon, bä nath kone i en xöö yac dan ke rö eme ke kuär ni Yiecu rey liëthde amäni bende min rew de.

Yöth-12:1-14 Më-thiw-26:26-29 Mak- 14:22-25 Luk-22:17-20 Joon- 6:28-58 1 Ji-korinith -10:14-21, 11:23-32

Riët in wäl nuandien - JAK PUANY NI NAATH KÄ GOW

Kon, nath ne min ca gor rey ruac kuoth en xöö de puany ji juathni jakä gow ke riet kuoth. Kä kon bä bane naath com en xöö de kene nath i de puany naath jakä gow ke pal kuoth. Kon bä nath kene en xöö de kuoth puany naath jakä gow ke wäl guath in ci ke wä duel wal.

2 Kuari- 5:1-19 Dit- 103:1-5 Më-thiw-4:23-24, 9:18-35 Joon- 4:46-54 Laat jaakni- 5:12-16, 9:32-42, 14:8-15 1 Ji-korinith -12:4-11 2 Ji-korinith -12:7-10 Je-mith- 5:13-16

Riët in wäl dhiëcdien - BEN YIECU IN RĒWDE

Kon, nath ne je en xöö yiecu krithö be rö nyok ke luny wicmuon e me. Kä ney tin nath ke je kä ci liw, bi ke rö jiec lith, kä ney diaal tin cien rey nathä bi ke jal keel ke kuär ni Yiecu, kä bi ke cu röm ke kuärien rey joam. Ke jen guath e mo pany, bi ke cien ke kuär keel ni ciaan a thiel pëk.

Më-thiw-25:31-46 Joon- 14:1-3 Laat jaakni- 1:9-11 Ji-pi-li-pi- 3:20-21 1 Ji-the-tha-lo-ni ka- 4:13-18 Tay-täh- 2:11-14 Ji- xe-bi-ru-9:26-28 2 Pi-tor- 3:3-15 Nyuuth- 1:7-8, 22:7-20

Riët in wälbäkelien- JIEC NAATH LITH

Kon, nath ne je en xöö ba ney tin ci liw jiec lith, ejen in lar ke je en xöö bi Kuoth naath diaal te ci liw, ji cuj ni kene ji dueri jiec lith, kä ba puany kien nyok ke mat kel ke yiey kien. Ney diaal tin ci cuj lat ba ke jiac rey tääkä mi thiel pëk. kä ney diaal tin ca duer lat ba ke jiec, ke xöö ba ke luk ke pëk lät ni kien.

Kon, nath ne je en xöö ke guath in joak bi ney diaal cuon nhiam kuoth kä ba ke luk cët ke pek lätni kien te ci ken ke lat me te ke tääkä. kon, nath ne je en xöö ney diaal tin guor ke yiecu kä lat ke lät kuoth, bi ke goy kene tek mi thiel pek jek. Kä ney diaal tin ca riët ke rö lok, amäni ney diaal tin ca ruac kuoth lok, ke cän gutdä xa bi ke cuuc rey lieth mi thiel pëk.

Tuk cäkä xa-18:25 1 Tha-muel- 2:10, Dit-50:6, Aca-yaa- 26:19, Da-ni-yel-12:2-3, Më-thiw-25:31-46 Mak- 9:43-48, Luk-16:19-31, 20:27-38 Joon- 3:16-18, 5:25-29, 11:21-27 Laat jaakni- 17:30-31 Ji- röm-2:1-16, 14:7-12 1 Ji-korinith -15:12-58 2 Ji-korinith -5:10 2 Ji-the-tha-lo-ni ka- 1:5-10 Nyuuth- 20:11-15, 22:1-15